

فريق التفريغ بموقع الطريق إلى الله
يقدم
من سلسلة "أصول الوصول إلى الله"
تفسير سورة الحج (٢)



لفضيلة الشيخ: حازم شومان

رابط المادة: <http://way2allah.com/khotab-item-113770.htm>

السلام عليكم ورحمة الله وبركاته

الحمد لله وكفى، وصلاةً وسلاماً على عباده الذين اصطفى، أما بعد:

إخواني وأحبابي في الله، رحلة الأشواط مع كتاب الله سبحانه وتعالى، رحلة فهم سورة الحج، أصول الوصول إلى الله، من سورة الحج الحلقة الثانية بإذن الله سبحانه وتعالى، ونبدأ نتكلم النهارده عن الشوط الثاني، المرة اللي فاتت كانت المقدمة والشوط الأول، وقلنا المسابقة اوعوا تنسوا يا جماعة، هنعمل امتحان بإذن الله سبحانه وتعالى في نهاية شرح السورة، وهيبقى في جوائز عمرات بإذن الله سبحانه وتعالى.

ماتنسوش يا اخواننا يعني إن إحنا قلنا إن السورة ثمانية أشواط، اتكلمنا الحلقة الأولى عن الشوط الأول، النهارده هنتكلم عن الشوط الثاني بإذن الله، ولكن بدايةً يا جماعة الموت في سبيل الله عبادة عظيمة جدًا جدًا، ولكن الأعظم منها مليون مرة الحياة في سبيل الله، إن إحنا نقدر نعيش في سبيل الله، الحياة من أجل الوصول إلى الله، وهو دا موضوع سورة الحج أنها تتحدث عن كيف نصل إلى الله، وكيف نعيش في سبيل الله، ومن أجل الوصول إلى الله.

سورة الحج تتحدث عن توحيد القصد، وتوحيد الطلب، قصر الهم على الوصول إلى الله سبحانه وتعالى، عشان كذا جت الأنبياء وبعد كذا الحج وبعد كذا المؤمنون، سورة الأنبياء بتعرفك مين قدوتك، وبعد كذا سورة الحج بتعرفك خط سيرك وسكتك، وبعد كذا سورة المؤمنون بتعرفك أيه أخرتك.

سورة الأنبياء بتعرفك مين قدوتك، الأنبياء، بعد كذا سورة الحج بتعرفك خط سيرك وسكتك من أجل أنك تصل لهذه النماذج العظيمة في طريق واحد، "صِرَاطَ الَّذِينَ أَنْعَمْتَ عَلَيْهِمْ" الفاتحة: ٧، عايز توصل لهم امشي في طريقهم، وبعد كذا سورة المؤمنون يمكن أكثر سورة في القرآن تحدثت عن مراحل الدار الآخرة، ومن أول صفحة فيها: **ثُمَّ إِنَّكُمْ بَعْدَ ذَلِكَ لَمَيُّونٌ** المؤمنون: ١٥، بتعرفك أخرتك، يبقى هنتكلم عن سورة الحج النهارده، هنتكلم مع الشوط الثاني زي ما ه يظهر قدامكم على الشاشة الآن يا جماعة.

الشوط الثاني:

بادئ من أول آية ٣ لحد آية ١٨، رغم إن الشوط الأول كان آيتين بس، الشوط الأول كان نازل في المدينة، الشوط الثاني دا كله نازل في مكة، كله نازل في مكة ما عدا قول الله: **"وَمِنَ النَّاسِ مَن يَعْْبُدُ اللَّهَ عَلَى حَرْفٍ** الحج: ١١، في النص يعني قيل أنه نزل في المدينة المنورة، ولكن غالبًا سيكون هذا من باب تكرار النزول، يعني الآية تبقى نازلة في مكة وبعد كذا تنزل تاني في المدينة، لأن الواقع محتاجها هنا وهنا.

طيب الشوط من أول **"وَمَنْ النَّاسِ مَنْ يُجَادِلُ فِي اللَّهِ بِغَيْرِ عِلْمٍ وَيَتَّبِعُ كُلَّ شَيْطَانٍ مَرِيدٍ"** الحج: ٣، لحد آية ١٨ **"أَلَمْ تَرَ أَنَّ اللَّهَ يَسْجُدُ لَهُ مَنْ فِي السَّمَاوَاتِ وَمَنْ فِي الْأَرْضِ وَالشَّمْسُ وَالْقَمَرُ وَالنُّجُومُ"** الحج: ١٨، الشوط دا حوالي صفحتين، وهذه الآيات الشوط الثاني.

قبل ما ندخل نتكلم عن تفاصيل الشوط الثاني ركزوا معايا بقى يا جماعة مع الشاشة العامة اللي قدامنا واللي الآيات بتتور وأنا أتحدث عن الآيات فيها، الشوط الثاني بيتكلم عن أربع نماذج من البشر، بيحلل الواقع اللي نزلت فيه الآيات وبيتكلم عن أربع نماذج من البشر:

النموذج الأول: التابع المجادل

آية ٣، **"وَمَنْ النَّاسِ مَنْ يُجَادِلُ فِي اللَّهِ بِغَيْرِ عِلْمٍ وَيَتَّبِعُ"**، ركزوا معايا لأن الألفاظ في غاية الدقة، **"وَيَتَّبِعُ كُلَّ شَيْطَانٍ مَرِيدٍ"** لأن فيه ناس كثير جدًا بتقرأ الآية دي وبعد كذا تقرأ الآية اللي بعدها **"وَمَنْ النَّاسِ مَنْ يُجَادِلُ فِي اللَّهِ بِغَيْرِ عِلْمٍ وَلَا هُدًى وَلَا كِتَابٍ مُبِينٍ"** الحج: ٨، ويتهيأ له إن دا هو دا، دا الفرق بينهم فرق مهول.

يبقى النوع الأول: **"وَيَتَّبِعُ كُلَّ شَيْطَانٍ مَرِيدٍ"** آية: ٣، دا التابع المجادل، يعني دا اللي اتفرج على برامج التوك شو واتشحن بالشبهات ضد الشريعة، وضد التيار الإسلامي، وضد أهل الدين، ونازل بقى كل ما تشوف واحد ملتزم يسمع له كل اللي هما ملوا دماغه بيه للأسف الشديد، يبقى دا التابع المجادل.

النموذج الثاني: المتبوع المجادل

آية: ٨، **"وَمَنْ النَّاسِ مَنْ يُجَادِلُ فِي اللَّهِ"** دا بيجادل ودا بيجادل، كله بيجادل، **"بِغَيْرِ عِلْمٍ وَلَا هُدًى وَلَا كِتَابٍ مُبِينٍ، ثَانِي عِطْفِهِ لِيُضِلَّ عَنْ سَبِيلِ اللَّهِ"** الحج: ٨: ٩ **"لِيُضِلَّ"** يبقى دا المتبوع، دا الراس بقى، دا اللي بيدي برنامج التوك شو بنفسه، دا العلماني اللي مآلف كتاب، دا العلماني اللي بيقعد مع مجموعة من الشباب في الجامعة عشان يسمم دماغهم بالأفكار العلمانية، يبقى دا المتبوع المجادل، يبقى دا القائد، يبقى دا الرأس.

النموذج الثالث: المذبذب

آية: ١١، **"وَمَنْ النَّاسِ مَنْ يَعْبُدُ اللَّهَ عَلَى حَرْفٍ"** يبقى دا النوع المذبذب، اللي لو مافصلش وخذ قرار في دينه هيقع وهينهار، ولكن النوع دا معانا، **"وَمَنْ النَّاسِ مَنْ يَعْبُدُ اللَّهَ"** يعبد مضارع مستمر يعني دا معانا، ولكن مهدد في النهاية إن كل حاجة تضيع لو مخدش باله في دينه.

النموذج الرابع: المؤمنون

آية: ١٤ **"إِنَّ اللَّهَ يُدْخِلُ الَّذِينَ آمَنُوا وَعَمِلُوا الصَّالِحَاتِ"** الصالحات هنا اللي هي إيه؟ اللي هو زي الآيات اللي فاتت، الجهاد الدعوي، والجهاد التربوي، والجهاد في عبادة الله، **"إِنَّ اللَّهَ يُدْخِلُ الَّذِينَ آمَنُوا وَعَمِلُوا الصَّالِحَاتِ جَنَّاتٍ تَجْرِي مِنْ تَحْتِهَا الْأَنْهَارُ إِنَّ اللَّهَ يَفْعَلُ مَا يُرِيدُ"** الحج: ١٤.

يبقى إذا الشوط الثاني يتحدث عن أربع أصناف من الناس، هناخذ صنف صنف دلوقت في الشرح التفصيلي، وهناخذ ليه القرآن ولية الشوط الثاني صنف المجتمع يا جماعة، هناخرج هنا بأصل من أصول الوصول إلى الله، وهو لا بد أن تُصنّف نفسك، لا بد أن تُقيّم نفسك باستمرار، اوعي تبقى ماشية كدا مع ال flow مع ال stream كدا على طول وخلاص من غير ما تقيمي نفسك إنت مين؟ إنت بتعبدي الله بس على حرف؟، وآلا إنت آمنوا وَعَمِلُوا الصَّالِحَاتِ، ولا انت التابع المجادل اللي ملتزمة ولكن اتفرجتي على برنامج توك شو وبدأت تجادلي في الشريعة، ويدخل في قلبك شبهات إنت كمان، إنت مين؟ إنت مين؟

يبقى دا من أصول الوصول إلى الله استمرار تقييم النفس باستمرار ومعرفة أين أنا من الله؟، وأين نحن من الله سبحانه وتعالى؟، يلا يا جماعة تعالوا بقي نبدأ ننطلق بعد إذن الله سبحانه وتعالى في هذه الرحلة مع الشرح التفصيلي لهذه الآيات.

أولاً: التابع المجادل

"وَمِنَ النَّاسِ مَن يُجَادِلُ فِي اللَّهِ" الحج: ٣، يا ااه، صدمة، بعد ما ربنا قال: "يَوْمَ تَرَوْنَهَا تَذْهَلُ كُلُّ مُرْضِعَةٍ" الحج: ٢، "إِنَّ زَلْزَلَةَ السَّاعَةِ شَيْءٌ عَظِيمٌ" الحج: ١

"وَمِنَ النَّاسِ مَن يُجَادِلُ" يعني فيه ناس مش عاوزة تفوق، فيه ناس قلبها حجر، فيه ناس مهما تحضرت، ومهما اداها آيات، ومهما ربنا وزاها آيات لسه برده بتجادل، "وَمِنَ النَّاسِ مَن يُجَادِلُ فِي اللَّهِ" يجادل في الله، يجادل في شريعة ربنا، يقول شبهات على الشريعة، يجادل في حكمة ربنا، في ملكه، يجادل مش شرط يجادل في الله أن يجادل في وحدانية الله، أو يجادل في وجود الله، ممكن يجادل في شريعة الله، "وَمِنَ النَّاسِ مَن يُجَادِلُ فِي اللَّهِ" دا النوع الأولاني.

"بِغَيْرِ عِلْمٍ" يبقى من أصول الوصول إلى الله العلم، العلم شوفوا ذكّر كام مرة في الشوط دا بس؟ مذكور مرتين، أنه لا بد من طلب العلم الشرعي على أصول العلم، على أيدي العلماء، فمن أصول الوصول إلى الله العلم والارتباط بأهل العلم.

"بِغَيْرِ عِلْمٍ" الأخ اللي مابيحضرش دروس عالم من العلماء، الأخت اللي مابتحضرش عالم من العلماء، حتى لو بعض الدروس الوعظية، لازم الدروس العلمية المنهجية كمان.

"وَيَتَّبِعُ كُلَّ شَيْطَانٍ مَّرِيدٍ"، "وَيَتَّبِعُ" يبقى دا التابع المُجَادِل، "كُلُّ" طيب فين.. يعني.. كثير، "كُلُّ شَيْطَانٍ مَّرِيدٍ" يا جماعة سورة الحج ذكّر فيها الشياطين مرتين، مرة هنا دول شياطين الإنس، دول العلمانيين، دول الملحدين، دول اللي بيثيروا شبهات في المجتمع، والمرة الثانية "إِلَّا إِذَا تَمَنَّيَ أَلْقَى الشَّيْطَانَ فِي أُمْنِيَّتِهِ" الحج: ٥٢، شياطين الجن، يبقى إذا الشياطين مش شياطين جن بس، دا في شياطين إنس، وشياطين جن، يبقى أصل من أصول الوصول إلى الله: أحذر من قطاع الطريق، أحذر من شياطين الإنس والجن.

"كُلُّ شَيْطَانٍ مَّرِيدٍ" المريد جاية من التمرد، يعني إيه يا جماعة؟ يعني أعداء الدين اوعوا تفتكروا إنهم نماذج سهلة، اوعوا تفتكروا إن قبل النبي عليه الصلاة والسلام من ١٤٠٠ سنة، نسخة من بتوع التوك الشو دلوقت، نسخة من

قادة الحرب على الدين الآن، يعني هقولكم مثلاً بعض نماذج الشياطين المردة اللي حاربوا النبي عليه الصلاة والسلام زمان وأنتوا تشوفوا.

نماذج لشخصيات كانت تحارب النبي صلى الله عليه وسلم:

النضر بن الحارس

النضر بن الحارس دا كان دكتور، كان طيب من أطباء العرب، يعني ممكن تلاقي برنامج توك شو بيقدمه واحد طيب كبير، ممكن، كان طيب سافر بلاد الفرس، ورجع بالأدب الفارسي، ورجع درس الفن الفارسي كويس، يعني شخصية بتتكلم بالأجنبي، ومنتمي للحضارات الكبيرة، انتو وانتو بتسمعونني هتقولوا دا فلان، وانت بتسمعي هتقولوا أه دي فلانة، دا بتاع البرنامج الفلاني، دكتور دارس الأدب العربي، لسانه معوج بالألفاظ الغربية، النضر بن الحارس كان بيحارب النبي عليه الصلاة والسلام بإية؟

كان بيحارب النبي بالفن، يعني كان كل ما النبي يدي جولة ويقول كلام عن ربنا يبجي النضر بن الحارس يقول لهم أنا هاكلمهم عن رستم و.. القصص، تعالوا اسمعوا الناس وصلت لإيه، تعالوا شوفوا الغرب وصل لإيه، انتو لسه بتسمعوا لمحمد ويقول لكم الجنة ويقول لكم النار!

نفس الأساليب يا جماعة، النضر بن الحارس هو أول من أتى بحفلات غنائية، وحفلات فنية، من أجل صرف الناس عن النبي عليه الصلاة والسلام، "وَمِنَ النَّاسِ مَن يَشْتَرِي لَهْوَ الْحَدِيثِ لِيُضِلَّ عَن سَبِيلِ اللَّهِ" لقمان: ٦، النضر بن الحارس.

الوليد بن المغيرة

من ضمن الشخصيات اللي كانت بتحارب النبي الوليد بن المغيرة، كان قاضي، مستشار كبير، كان اسمه في الجزيرة العربية العدل، يعني قاضي، يعني مركز في السلطة القضائية، مهواش بسيط، وكان غني جداً، وكان متدين جداً، لدرجة إن لما جم يهدوا الكعبة وبينوها قبل النبي عليه الصلاة والسلام ماجرؤوش إنهم يهدوها إلا لما الوليد بن المغيرة بدأ هو يهدا بنفسه، وكان من تدينه حرم الخمر على نفسه، وضرب ابنه، هو دا أبو خالد بن الوليد، وضرب ابن ابنه لأنه شرب الخمر مرة، يبقى دا مستشار كبير، وسلطة كبيرة في الجزيرة العربية، يعني دا دكتور وبيقدم برنامج توك شو، ودا مستشار وبيطلع يضرب في الدين.

أبو جهل

ده بقي كان متخصص دعوة فردية، كان لما النبي يبجي يقنع واحد من صناديد الكفر يروح أبو جهل يرجعه تاني.

أبو لهب

كان عنده خمسة وستين سنة، كان متخصص جولات، كان ينزل يلف ورا النبي في كل مكان النبي عليه الصلاة والسلام ينزل الجولات فيه، وكان يقذف النبي بالحجارة ويقول لهم لا تصدقوه إنه كذاب.

يعني النضر بن الحارس متخصص دعوة عامة، أبو جهل متخصص دعوة فردية، أبو لهب متخصص جولات ودعوة ميدانية، الوليد بن المغيرة رجل مستشار وله ثقله، وبيحارب الدين بالثقل الاجتماعي الكبير بتاعه، ويتبعوا كل شيطان

مريد، اوعوا تفتكروا إن الحرب على الإسلام دلوقت جديدة، نفس الشخصيات، بنفس المنظر، بنفس السمات، بنفس الوسائل.

هي زحليقة.. اللي هيركب أولها هيجيب آخرها

"كُتِبَ عَلَيْهِ أَنَّهُ مَنْ تَوَلَّاهُ فَإِنَّهُ يُضِلُّهُ" الحج: ٤، كلمة ترعب، يعني قضاء وقدر، اللي هيسلم ودنه لبتوع التوك شو هيضيعوا له دينه، كلام يعني هي زحليقة، اللي هيركب أولها هيجيب آخرها، عشان لما بنقول للشباب كدا في الندوات الجامعية.. هي زحليقة، هتركب زحليقة المخدرات ماتقوليش أنا هامسك في النص ومش هأقع، هتقع زي ما غيرك وقع، هتجيب آخرها، يا هينتهي حالك بالجنون، يا مستشفي أمراض نفسية، يا هتسجن، يا إما هتسرق وتسجن بسبب السرقة مش بسبب مخدرات، يا إما تنتحر في النهاية هي زحليقة، زي الزنا، هو هتركب من فوق هتوصل، حياتك هتدمر، وهتفتقر والناس هتكرهك، وهيجيلك أمراض ملهاش حل، هي زحليقة يا جماعة، هتبدأ سكة المعاصي نهايتها الاكتاب والانتحار في الدنيا، يبقى كذلك إن سمعنا لهؤلاء الناس زحليقة.

"كُتِبَ عَلَيْهِ أَنَّهُ مَنْ تَوَلَّاهُ فَإِنَّهُ يُضِلُّهُ" اللي هيديهم ودنه هيضيع، "وَيَهْدِيهِ إِلَىٰ عَذَابِ السَّعِيرِ" السعير المُسعر بالنار، إنه يبقى من وقود النار والعياذ بالله، يعني يبقى القضية قضية أن احذروا من هؤلاء الناس، انظروا عمن تأخذون دينكم، لازم متاخذش من غير الينايع الصافية، من علماء الشريعة، من الناس اللي راسخة في علم الشريعة.

"يَا أَيُّهَا النَّاسُ" دا كله لسه في النوع الأول، بنتكلم في النوع الأول من أربع أنواع.

ازاي تتعامل مع التابع المجادل وتدعوه؟

"يَا أَيُّهَا النَّاسُ" دا إيه؟ ربنا بيدعوهم بقى، ربنا بيعلمنا ازاي ندعوهم، يعني ربنا بيعلمنا التابع المجادل دا نتكلم معاه ازاي، خدوا بالكم لما يبجي المتبوع المجادل **"ثَانِي عَطْفِهِ لِيُضِلَّ عَنْ سَبِيلِ اللَّهِ"** الحج: ٩، ربنا هيكلمه بطريقة تانية خالص، كأن ربنا بيعلمنا فن الدعوة، وبيعلمنا إن كل نوعية من المدعويين ليها خطاب غير النوعية التانية، وبيعلمنا إن فيه مداخل للقلوب مع كل نوعية غير النوعية التانية، فمن أصول الوصول إلى الله تعلم فن الدعوة، وتعلم مداخل القلوب، وأن يتنوع الخطاب الدعوي على حسب حال المُخاطب.

"يَا أَيُّهَا النَّاسُ إِنْ كُنْتُمْ فِي رَيْبٍ مِّنَ الْبَعْثِ فَإِنَّا خَلَقْنَاكُمْ مِّن تَرَابٍ"، يعني إيه؟ هما هنا يجادلون، خدوا بالكم قبل **"يَا أَيُّهَا النَّاسُ" "وَمِنَ النَّاسِ مَن يُجَادِلُ"** هو يجادل وعايز يجرفك، معايا أخ وأخت ملتزمة في الجدل، فربنا بيعلمنا التركيز من أصول الوصول إلى الله التركيز، هيحاولوا يشدوننا بعيد عن طريقنا وخط سيرنا ونزولنا للناس، تعالوا جادلونا، تعالوا اطلعوا على برامج توك شو معنا، أوعوا تسمعوا كلامهم، ركزوا في الناس، أوعوا حد يشغلكم يا ملتزمين يا ملتزمات عن دعوة الناس، ويا دعاة وداعيات إلى الله.

"يَا أَيُّهَا النَّاسُ" دي كلمة قوية جدًا، صرخة مليانة قوة، تاني مرة "يَا أَيُّهَا النَّاسُ" في السورة، "يَا أَيُّهَا النَّاسُ" يعني اللي هو الشوط اللي فات كانت ثورة تربوية، وصحابها بيجاهدوا وربنا بيذكرهم بالآخرة، هنا **"يَا أَيُّهَا النَّاسُ إِنْ كُنْتُمْ**

فِي رَبِّ مِّنَ الْبُعْثِ ثورة دعوية للناس اللي شاكة في الدين وشاكة في الآخرة، يعني بداية سورة الحج بداية قوية جدًا يا جماعة.

وَيَتَّبِعُ كُلَّ شَيْطَانٍ مَّرِيدٍ معناها أن أهل الباطل أقوياء في الباطل، بعدها **"يَا أَيُّهَا النَّاسُ"** يبقى لابد وهذا أصل من أصول الوصول إلى الله، لابد أن يكون قوتنا في نصره الحق أكبر من قوة أهل الباطل في هدم الحق، لازم زي ما هما أقوياء نبقى أحنا أقوياء، لازم يبقى احنا عندنا قوة إحنا كمان.

والأصل الثاني اللي خرجنا بيه هنا: التركيز، هيحاولوا يجادلونا، هيحاولوا يشتتونا، لابد من التركيز، اوعوا حد يشغلكم عن الناس، زي سيدنا موسى مع فرعون، يقول له: **"إِنَّ رَسُولَكُمْ الَّذِي أُرْسِلَ إِلَيْكُمْ لَمَجْنُونٌ"** الشعراء: ٢٧، يقوم موسى يقول أيه؟ **"قَالَ رَبُّكُمْ وَرَبُّ آبَائِكُمُ الْأُولِينَ"** الشعراء: ٢٦، مقالش أنا مش مجنون، أحترم نفسك، لا، قعد يكلم عن ربنا سبحانه وتعالى.

"يَا أَيُّهَا النَّاسُ" خرجنا منها بتلت حاجات:

الحاجة الأولانية إن فيه قوة في الدعوة قصاد قوة الباطل في الدعوة للباطل، تاني حاجة خرجنا منها بالتركيز، اوعوا يشتتونا عن خط سيرنا، نركز على الدعوة.

تالت حاجة خرجنا من سورة الحج بدأت بالثورة الدعوية، والثورة التربوية، فأين نحن من هذا الواقع؟ **"يَا أَيُّهَا النَّاسُ"** الواقع عاوز ناس أقوياء يا جماعة تصرخ، مين عنده القوة أنه يصرخ في الواقع بالحق؟ يا رب دا شياطين مردة يعني واقع مرعب، ولن نكف عن الدعوة إلى الله مهما كان الواقع صعب.

"يَا أَيُّهَا النَّاسُ إِنْ كُنْتُمْ فِي رَبِّ مِّنَ الْبُعْثِ"، **"إِنْ"** دي للشك، يعني لو بعد كل الآيات دي انتم لسه شاكين، **"فِي رَبِّ"** في دي لواحد غرقان في حاجة، كأن الشك دا بحر، اللي هيشك هيغرق، شوفت واحد مرمي في وسط محيط متعذب ازاي وهو بيحاول ينجو، اللي بيشك دا متعذب، ضايح.

"إِنْ كُنْتُمْ فِي رَبِّ مِّنَ الْبُعْثِ فَإِنَّا خَلَقْنَاكُمْ مِّنْ تُرَابٍ" اسمع بقى من تراب، **"مِّنْ تُرَابٍ ثُمَّ"**، ثم يبسموها للتراخي الرتبي، يعني إيه؟

يعني الأولى معجزة بس الثانية مذهلة، عشان كدا لما سمناها "ثم" الخطيرة، أو "ثم" المذهلة، يعني الاسم عمل في نفسي كدا، يعني ثم المذهلة، يعني إيه "ثم" المذهلة؟، يعني ربنا بيقول: **"مِّنْ تُرَابٍ ثُمَّ مِنْ نُّطْفَةٍ"**، يعني التراب؟، لا لا لا، دا الفجوة ما بين التراب والنطفة فجوة تطير العقل لولا أنها آية تتكرر لطاشت عقولنا..

النطفة دي مائة وعشرين ألف صفة موجودة جوة الخلية دي، الخلية الضعيفة دي لسه هتتكون وهتبقى بني آدم، النطفة دي من ساعة ما بتتكون في البويضة والحيوان المنوي بيتقابلوا، النطفة دي تعدي قناة فالوب في أسبوع، رحلة من أروع ما تكون، النطفة دي كانت المفروض تموت وتموت ولكن بتعدي وتتوصل للرحم، وجواها خطة بناء إنسان مكون من مائة وعشرين ألف صفة، من مائة وعشرين ألف جزئية، البويضة في المبيض والحيوان المنوي يقطع رحلة طويلة لحد ما يوصل لها، المفروض الأنثى عزيزة، قاعدة مكانها مش تنزل تحقر نفسها ويبقى ملهاش

قيمة، وسط المواصلات، ووسط النوادي، ووسط كل مكان، الأنثى زي البويضة عزيزة، والذكر مثل الحيوان المنوي يقطع رحلة طويلة عشان في النهاية يوصل للملكة المتوجة، هو دا يا جماعة هي دي سنة رينا في الحياة، إنما اللي هتهزأ نفسها هتضيّع كل حاجة.

"فَإِنَّا خَلَقْنَاكُمْ مِّنْ تُرَابٍ ثُمَّ مِنْ نُطْفَةٍ" خدوا بالكم التراب دا أفقر شيء مفيش فيه أي معالم بقى نطفة، بقى كائن حي.

"ثُمَّ مِنْ عَلَقَةٍ" النطفة ووزنها واحد على مليار جرام، مذهلة، العلقة بقت أثقل شوية، بقت مكونة من عشر آلاف خلية، العلقة دي الإنسان وهو حته حاجة ميحيش نص سم ولا حاجة، متعلق نقطة دم متجمدة، متعلقة في الرحم، العلقة دي هتبقى جنس، العلقة دي هتبقى الأنبياء، العلقة دي هتبقى الشعراء والفنانين والحكماء والقادة والحكام، العلقة دية هيطله منها بني آدم بيحب ويكره ويطمح ويحلم، معجزات، عشان كدا "ثم" دي بسميها ثم المذهلة؛ لأن بتقول لك شوف إيه بقى إيه، ثم إذا قتلتم اسمها "ثم" للتراخي الرتبي، أو للانتقال الرتبي، اللي بعده أعلى من اللي قبله.

"ثُمَّ مِنْ عَلَقَةٍ ثُمَّ مِنْ مُّضْغَةٍ" المضغة دي حجمها سم، طولها سم، البني آدم وهو سم، ويسمى مضغة لأن الإعجاز العلمي لما جابوا المرحلة دية لقوا في نتوءات كدا بالطبط زي شكل الدروس لما بتمضغ حته لبانة.

"ثُمَّ مِنْ مُّضْغَةٍ مُّخَلَّقَةٍ وَغَيْرِ مُّخَلَّقَةٍ" يعني فيه أعضاء بدأت تتكون وتتخلّق، وفيه أعضاء لسه مابدأتش.

"لَنْبِئَنَّ لَكُمْ" الزمخشري يقول هنا: مفيش مفعول به، لنبين لكم إيه؟ ابن عاشور في "التحرير والتنوير" قال كلمة خطيرة جدًا، قال: "لم يُذكر مفعولًا به، لتذهب النفس مع الآية كل مذهب"، يعني إيه؟

لنبين لكم رينا حكيم أد إيه، وقادر أد إيه، ورحيم أد إيه، وعظيم أد إيه، وقدير أد إيه، شيء مدهل، يعني علم الأجنة لما كنا بندرسه في أولى طب وتانية طب، حاجة مذهلة.

"وَنَقُرُّ فِي الْأَرْحَامِ مَا نَشَاءُ إِلَىٰ أَجَلٍ مُّسَمًّى ثُمَّ نُخْرِجُكُمْ طِفْلًا" ثم دي معناها أن اللي بعدها مذهلة.

"ثُمَّ نُخْرِجُكُمْ طِفْلًا" لما تشوف الطفل عينه ملونة وأبيض وشعر جميل، وجسمه وملامحه، خارج تمسكه، إيه دا؟ دا جه منين دا؟

"ثُمَّ نُخْرِجُكُمْ" دا كان حيوان منوي دا ازاي بقى كدا؟ ازاي التحفة دي، "ثُمَّ نُخْرِجُكُمْ طِفْلًا ثُمَّ" لسه المذهلات جاية، "لِتَبْلُغُوا أَشُدَّكُمْ" مرحلة الشباب والقوة، طب رينا قال ليه: "لِتَبْلُغُوا" مش ثم تبلغوا؟ اللام بيسموها لام الغاية، يعني إيه؟ يعني كل اللي فات دا عشان المرحلة دي، عشان انت وانت شاب، يعني شوفوا يا جماعة كل اللي فات عشان تبقى تبلغوا أشدكم.

"وَمِنْكُمْ مَّنْ يَتَوَقَّىٰ وَمِنْكُمْ مَّنْ يَرُدُّ إِلَىٰ أَرْدَلِ الْغَمْرِ" كأن المعنى دا اغتتم شبابك، أصل من أصول الوصول إلى الله اغتتمي صحتك، اغتتم الفترة اللي انت قادر تعبد رينا فيها، هتكبر هتبقى مش قادر تعبد رينا نفس عبادة زمان، اغتتموا الفترة دي يا جماعة،

" **ثُمَّ لَتَبْلُغُوا أَشَدَّكُمْ** " أي أن حكمة الخلق كله هو الفترة اللي انت تقدر تصعد فيها في طاعة الله سبحانه وتعالى، ثم ثم يعني ثم دي بنخرج منها بأصل خطير جداً، وبأصل عظيم جداً وهو أن ربنا خلق الخلق بترقي، يعني الإنسان اتخلق مرحلة مرحلة مرحلة، فلا بد أن نبني حياتنا كما بنانا الله، اللي هو من أصول الوصول إلى الله الترقى التدريجي، إن احنا لازم في علاقتنا بربنا لازم نقبل إننا نوصل واحدة واحدة، الاستعجال بيدمر كل شيء، واحنا بنبني الدعوة، واحنا بنربي، واحنا بنغير الواقع يجب أن نقبل الترقى التدريجي.

" **وَمِنْكُمْ مَّنْ يَتَوَفَّى وَمِنْكُمْ مَّنْ يُرَدُّ إِلَى أَرْدَلِ الْعُمُرِ لِكَيْلَا يَعْلَمَ مِنْ بَعْدِ عِلْمٍ شَيْئًا** " يعني لما هتبلغ أشدك وتبقى قوي مفيش بعد كذا غير يا هتكبر وتفقد قدرتك كلها يا إما تموت، الحق شبابك.

" **وَتَرَى الْأَرْضَ هَامِدَةً** " يعني الثوب الهالك هو اللي بلي واتقطع من أول ما تشيله كدا يقوم متقطع حتت، ووقع حتت، يعني اللي بلي وشبع يعني تقطيع من قلة الاستعمال مش من كتر الاستعمال، " **وَتَرَى الْأَرْضَ هَامِدَةً** " يعني ماتت وشبعت موت، يعني ماتت لما شبعت، أرض بقالها مائة سنة متزرعتش مثلاً.

" **وَتَرَى الْأَرْضَ هَامِدَةً فَإِذَا أَنْزَلْنَا عَلَيْهَا الْمَاءَ اهْتَزَّتْ وَرَبَتْ وَأَنْبَتَتْ مِنْ كُلِّ زَوْجٍ بَهِيجٍ** " الحج: ٥، يبقى دي نقطة خطيرة أوي أن ربنا جاب لنا آيتين: آية الجنة وآية الأرض، أنا عايزك بقى تعيش مع بقى مع المفاجأة اللي هتحصل دلوقتي في الآية اللي بعدها.

التدبر من أعظم أسباب الوصول إلى اليقين

" **ذَلِكَ بِأَنَّ اللَّهَ هُوَ الْحَقُّ** " " **أَنَّ** " دي توكيد، إن وأن، يبقى بأن الله هو الحق، دا أول مؤكد.

٢- " **وَأَنَّهُ يُحْيِي الْمَوْتَى** " دي ثاني أن.

٣- " **وَأَنَّهُ عَلَى كُلِّ شَيْءٍ قَدِيرٌ** " الحج: ٦

٤- " **وَأَنَّ السَّاعَةَ آتِيَةٌ لَّا رَيْبَ فِيهَا** " الحج: ٧

٥- " **وَأَنَّ اللَّهَ يَبْعَثُ مَنْ فِي الْقُبُورِ** " الحج: ٧

خمسة "أن" طلقات يقين راسخ، اليقين دا كله من خمس حقائق لو رسخت في أي قلب تملأ القلب دا يقين باهر، وتغير حياتنا كلنا، الخمس مسلمات يقينية دي جت إمتي؟ أن أن أن أن أن، اليقين الرهيب دا جه إمتي؟ دا إحنا من شوية يا جماعة " **إِنْ كُنْتُمْ فِي رَيْبٍ** " شك رهيب والإنسان غرقان في الشكوك، إزاي ريب اتحولت لخمس "أن"، وقمة اليقين بسبب التدبر في خلق الله، بسبب آية الأجنة وآية الأرض، يبقى معناه إيه؟

أصل من أصول الوصول إلى الله أن التدبر من أعظم أسباب الوصول إلى اليقين، أن التدبر في الخلق يملأ القلب باليقين، يعني ربنا قبل ما يقول: " **وَأَنَّ السَّاعَةَ آتِيَةٌ** " اتكلم عن الجين في بطن الأم كأن ربنا بيقول لنا قبل ما أكلمكم عن اللي انتم مش شايفينه هأكلمكوا عن اللي انتم شايفينه، قبل ما أكلمك عن الغيب اللي انت مش شايفه ولا مسه

وحسه، هأكلمك عن الشهادة اللي انت شايفها ولا مسها وحاسسها، يبقى يا جماعة عشان كدا في القرآن في سورة
النبا " أَلَمْ نَجْعَلِ الْأَرْضَ مِهَادًا، وَالْجِبَالَ أَوْتَادًا " النبا ٦: ٧

بعدها "إِنَّ يَوْمَ الْفُصْلِ كَانَ مِيقَاتًا" النبا: ١٥، "إن" بالتوكيد، يبقى لما الإنسان تدبر في الخلق وصل لإيه؟
وصل لليقين، وعشان كدا ربنا يقول: "وَكَذَلِكَ نُرِي إِبْرَاهِيمَ مَلَكُوتَ السَّمَاوَاتِ وَالْأَرْضِ وَلِيَكُونَ مِنَ الْمُوقِنِينَ"
الأنعام: ٧٥

يبقى اليقين بيوصل إليه بالتدبر في الخلق، يا اللي عندك شكوك، ياللي عندك شكوك، يا اللي عندك خواطر
إلحادية، أعظم طريق للوصول إلى اليقين مع القرآن هو التدبر في خلق الله سبحانه وتعالى، يبقى دا بي فهمنا التدبر
دا عبادة عظيمة أد إيه، إن السيل اليقينيات المذهل دا جه بعد تدبر في الخلق، يبقى كدا إحنا خلصنا الجزء
الأولاني، النوع الأولاني من الأربع أنواع في الشوط الثاني وهو التابع المجادل.

كلمناه أزاى؟ كلمناه بالراحة، يبجي نص صفحة كلام ليه، كلمناه بآيات الخلق، آيات الكون، في الأجنة وفي غيرها،
وكلمناه عن الدار الآخرة "وَأَنَّ السَّاعَةَ آتِيَةٌ لَا رَيْبَ فِيهَا" الحج: ٧، وكلمناه عن خطورة اللي هو بيسمعهم إنهم
شياطين مردة، وبيناله حقيقتهم، يعني كلمنا واتناقشنا واديناله وفتحنا صدرنا ووعظناه.. ليه؟ لأن دا لسه فيه أمل، دا
لسه لو دُعي إلى الله في أمل.

ثانيًا: المتبوع المجادل

تعالوا شوفوا بقى النوع الثاني، تعالوا شوفوا النوع الثاني من الأنواع الأربعة القرآن أتعامل معاه أزاى، عشان نعرف أن
القرآن كتاب عظيم، كتاب إعجازي، كتاب كله معجزات.

" وَمَنْ النَّاسِ مَنْ يُجَادِلُ فِي اللَّهِ بِغَيْرِ عِلْمٍ وَلَا هُدًى وَلَا كِتَابٍ مُنِيرٍ، ثَانِي عِطْفِهِ لِيُضِلَّ عَنْ سَبِيلِ اللَّهِ ۗ " الحج:
٨، ٩، " لِيُضِلَّ " يبقى دا المتبوع المجادل، يبقى دا بقى أساطيل العلمانية، والدعوة للعلمانية والإلحاد، ويتوع برامج
التوك شو اللي بيضيعوا الناس.

" ثَانِي عِطْفِهِ " يعني واحد بيلوي رقبته، ويلوي جسمه ومش عاوز يسمع، ففيها معنى التكبر، " ثَانِي عِطْفِهِ " برده
ممكن ناخده من العطف، لما العربية تنعطف يعني تدخل في حودة، " ثَانِي عِطْفِهِ " يعني بينشني وينعطف، ليه؟ عايز
أدي الصراط المستقيم أهو، هو عايز يشوف أي منعطف يدخل الناس فيه، عايز يتوه الناس عن طريق الحق، عشان
كدا " ثَانِي عِطْفِهِ لِيُضِلَّ عَنْ سَبِيلِ اللَّهِ " فهو متعمد أن يُخرج الناس عن طريق الحق.

في قراءة ثانية " لِيُضِلَّ عَنْ سَبِيلِ اللَّهِ " يعني وهو بيحاول يضيع الناس أول واحد بيضيع هو نفسه والعياذ بالله،
طيب ربنا قال إيه بقى؟ اسمع:

١- "لَهُ فِي الدُّنْيَا خِزْيٌ" يبقى التهديد بانتقام الله منه في الدنيا بأن ربنا هيذله في الدنيا، عارف لما تقول له ربنا
هينتقم منك وهييجب لك أمراض ملهاش علاج، وهييجب لك اكتئاب ملهوش حل، وهيذلك في ولادك، وهينتقم
منك في كل حاجة بتحبها.

٢- **وَنُذِيقُهُ يَوْمَ الْقِيَامَةِ عَذَابَ الْحَرِيقِ** "الحج: ٩، لما واحد يقول لواحد الله يحرقك والعياذ بالله، يعني ربنا يقول لهم: الله يحرقكم والعياذ بالله، يبقى دا عقوبة الدنيا، ودا عقوبة الآخرة.

ذَلِكَ بِمَا قَدَّمْتَ يَدَاكَ "الحج: ١٠، بما يداك، العلماء هنا بيسموا دا التفات، يعني إيه؟ يعني ربنا كان بيتكلم عن غائب "لَهُ فِي الدُّنْيَا حِزْبٌ"، وهنا "**قَدَّمْتَ يَدَاكَ**" دا ربنا بيكلمه مباشرة.

طيب إيه اللي نقل الكلام من الغائب للمباشر؟ قال لك: كأن الله يقول إن الدنيا انتهت، ويوم القيامة وهم بيترموا في جهنم ربنا يقول لهم: "**ذَلِكَ بِمَا قَدَّمْتَ يَدَاكَ**" الحج: ١٠، ويداك بالمفرد مش أيديكم، كأن كل واحد منهم هُجس في تابوت من الجمر وفي زنانة من زنازين جهنم حسب انفرادي وحده، والعياذ بالله يخلد في جهنم وحده، ليه؟ لأن عذاب الوحدة أشد كمان من عذاب جهنم والعياذ بالله، العذاب النفسي أشد من العذاب المادي، ذلك للبعيد معناها يعني عذاب مهول، "**ذَلِكَ بِمَا قَدَّمْتَ يَدَاكَ وَأَنَّ اللَّهَ لَيْسَ بِظَلَّامٍ لِلْعَبِيدِ**" الحج: ١٠.

طيب ليه ربنا مقالش وأن الله ليس بظالم؟ لأن ليس بظالم نفي الظلم، إنما ليس بظلام نفي المبالغة في الظلم، فممكن لا يبالي في الظلم، لكن يظلم، يا جماعة الموضوع مش كده خالص، الموضوع كأن الآية تقول: اللي يشوف عذابهم يوم القيامة واللي يحصل فيهم لو معرفش الجريمة اللي هم عملوها وأد إيه حاربوا دين ربنا وحاربوا حدود ربنا، هيقول ده مش ظلم، ده مبالغة في الظلم، كأن الله يقول: سينتقم منهم يوم القيامة انتقام مهول، انتقام تجزع منه القلوب، لدرجة اللي هيشوف الانتقام ده هيقول: ليه، هم علموا إيه؟ لولا يعرف ما هي الجريمة التي فعلوها. بس كده؟ بس كده، يعني سطرين؟ سطرين، يعني النوع ده ما طولناش في الكلام معاه، أصل النوع ده والعياذ بالله ضايع ونادر منهم اللي يفوق، فكان المعاملة معاه هي التهديد المرعب.

مش زي الثاني قعدنا نتكلم معاه عن الأجنة، وترى الأرض هامة ونبدأ نفرع عن الكلام ده اليقين في الله واليقين في الدار الآخرة، النوع ده مقبول والعياذ بالله، النوع ده شبه ضايع والعياذ بالله، يبقى خرجنا من النوعين اللي فاتوا إن خدوا بالكم يا جماعة من الفوارق الدقيقة ما بين ألفاظ القرآن، الاتنين نجادل في الله، ولكن ده تبع مجادل وده متبوع مجادل، وبعد كده خدوا بالكم إن القرآن فرق ما بين طريقة دعوة ده وطريقة دعوة ده. وبعد كده خدوا بالكم إن القرآن اتكلم عن دعوة الأولاني لله والدار الآخرة، والثاني كلمه عن الأثر الدنيوي للمعصية وعن الدار الآخرة، يبقى فيه حاجة اسمها مداخل القلوب.

يعني دلوقتي مثلاً أنا قاعد في شقة، فجه واحد من بره فعازيز يعرفني إنه بره، فحط صباعه على الباب محستش بيه وأنا جوه الشقة، حط صباعه على اللبنة اللي فوق الباب محستش بيه وأنا جوه الشقة، حط صباعه على الجرس، أنا سمعت صوت الجرس فتحت له الباب..

كل إنسان قلبه عليه نقط، لو عرفنا نلمسها هيفتح قلبه ويقول: اتفضلوا، يبقى ربنا هنا استعمل مداخل القلوب إيه؟

استعمل الأثر الدنيوي للمعصية، استعمل هم الدار الآخرة، استعمل عظمة الله وإعجاز الله في الخلق، كلام خطير أوي يا جماعة، كلام كبير أوي إن هو من أصول الوصول إلى الله لأن احنا قلنا إن الدعوة من أصول الوصول إلى الله، ازاى أنا عاوز أوصل، وأنا مالي بالدعوة، لن تصل إلى الله إلا إذا تكلمت عن الله، لن تصلي إلى الله إلا لو كلمتي الناس عن الله، أنا لما بأغسل طبق مش نظيف أول إيد بتنظف إيدي، أنا لما أكلم الناس عن ربنا أقرب ودن لبقني هي ودني أنا، يبقى من أصول الوصول إلى الله الجهد في الدعوة مع تعدد الخطاب الدعوي على حسب حال المخاطب واستعمال مداخل القلوب في مس أوتار القلوب من أجل توصيلها إلى الله، عشان الناس تفتح لنا قلوبها.

ثالثاً: المذبذب

النموذج الثالث بقى ودا نموذج في غاية الخطورة والنموذج الثالث بقى يا جماعة كلنا واقعين فيه، كلنا بلا استثناء، النموذج الثالث دا نموذج مربع، هي المعركة بتاعتنا كلنا الثلاث سنين اللي جاينين، الثلاث سنين اللي جاينين في التيار السلفي معركتنا كلها.

هي معركة آية ١١ بسورة الحج، الثلاث سنين اللي جاينين، إن لم نستطع في خلال هذه الفترة إن آية ١١ في سورة الحج كل الملتزمين والملتزمات يفهموها ويطبقوها سيقع هذا التيار، أنا بأقول لكم هذه الكلمة يا جماعة وانظروا يعني هذه الآية إن لم نستيقظ وننتبه لأن التيار بتاعنا كله وقع فيها للأسف الشديد..

قال تعالى النوع الثالث " **وَمِنَ النَّاسِ مَن يَعْْبُدُ اللَّهَ عَلَى حَرْفٍ** " من يعبد الله ، معظم الإخوة بيتأله أن يعبد الله على حرف دول المنافقون.. يا جماعة دا قول، أما تشوفوا القول الشديد القوة في هذه الآية، أول حاجة "**يَعْْبُدُ اللَّهَ**" دا مضارع مستمر يفيد الاستمرار، يعني الأخ دا بيقتد جلسة الضحى كل يوم، يعني الأخت دي بتقوم الليل في كل ليلة، يا نهار أبيض طيب ازاى؟! بس "**عَلَى حَرْفٍ**"، يعني إيه "**عَلَى حَرْفٍ**"؟ علماء اللغة قالوا على حرف هو طرف الجيش، ركزوا هو طرف الجيش، فذلك الأخ يقوم واقف على الطرف على طرف الإيه؟ بيئة الإيمان، واقف على الطرف ما رضيش يدخل وسط إخوانه..

هو طرف الجيش، فإن انتصر الجيش قرّ، وإن انهزم فرّ دا تعبير علماء اللغة بالضبط ، فإن انتصر الجيش قرّ، يقوم قاعد، وإن انهزم الجيش فرّ، يعرف يهرب، فقالوا على حرف دي زي اللي يقف على الطرف عشان يعرف يهرب لو حصل أي فتنة أو حصل أي مشاكل، يعني إيه؟

دا الملتزم والملتزمة اللي عايش فرد، بيعبد ربنا ولكن فردي مش راضي يدخل بيئة الإيمان، مش راضي اللي واخذ الدين عبادة ، يا جماعة فيه نموذجين يجب أن يُنسفوا، نموذج الملتزم اللي واخذ الدين عبادة بس وفردي ونموذج الداعية اللي واخذ الدين إنه يدي درس ويرّوح بيته، النموذجين دول هيخربونا، هيودونا في مصيبة لو ماتعالجوش، إنما الآية ذي بتقول لك دا غلط ودا غلط ، إنما الصح إيه؟ الصح بيئة الإيمان.

ومن الأخوات من تعبد الله على حرف، ومن الملتزمين من يعبدوا الله على حرف، بل من الدعاة من يعبد الله على

حرف، يعني لسه فيه أخت فاضلة جدًا ولها في الدعوة شأن، عرفت يوم من الأيام إنها خلعت النقاب وتركت الدروس وتركت الدعوة إلى الله وأشياء أخرى، لا أريد ان أقول يعني مش أشياء يعني تتعلق بانتهاك حرمت أو كذا، إنما أشياء تتعلق بإنها سابت الطريق.. ليه؟

كانت داعية إلى الله على حرف، عمرها ما تواصلت مع أخواتها ولا قعدت مع الداعيات ولا دخلت دروس، يعني حتى الدعاة ممكن ينتكسوا لو عبدوا الله على حرف، لو فصلوا أنفسهم، يا جماعة بيئة الإيمان لازم في كل بلد، في كل مدينة، في كل قرية يكون فيه مسجد، المسجد دا بيُعطى فيه دروس إيمانية، المسجد دا بييجي فيه دعاة من كل مكان، المسجد دا بيطلع منه رحلة أو معسكر شبابي كل شهر بموعد ثابت، المسجد دا الإخوة بتسحر فيه كل اثنين وخميس، أو يفتطروا مع بعض..

المسجد دا فيه دعاة مقيمين بيقوموا الليل وسط الإخوة بيقعدوا جلسة الضحي وسط الإخوة، المسجد ده فيه دروس علمية منهجية، المسجد ده الإخوة بتخرج منه جولة كل أسبوع للبلد بتاعتهم، أو المكان بتاعتهم، المسجد دا فيه نشاط للأطفال، ونشاط للنساء، المسجد دا كل الكوادر أو كل الدعاة في هذه البلد بيتعاونوا، كل واحد بيدي جزء لغاية المسجد ما يتبنى، أي شاب بيدخل جديد يلاقي فيه بيئة إيمانية، إنما الوقت المصيبة إن فيه بيدخل جديد مش بيلاقي غير الدروس في المسجد الفلاني والشيخ الفلاني.. يعمل إيه؟ الناس ضايعة يا جماعة، الناس ضايعة بسبب ان الدعاة بعض الدعاة واخذ الدين دروس، الإخوة بتبقى تايهة.. لازم يكون فيه بيئة إيمانية.

سورة الحج من أخطر السور للوصول إلى الله

اللي بتتكلم من أولها لآخرها بيئة الإيمان وإلا الهلاك، طيب شوفوا النموذج ده حصل له إيه؟ **"وَمِنَ النَّاسِ مَن يَعْبُدُ اللَّهَ"** أهو قاعد من الضحي كل يوم أهو **"فَإِنْ أَصَابَهُ خَيْرٌ اطْمَأَنَّ بِهِ"** مصيبة الأخت اللي معلقة دينها على دينتها، اللي مش هتنزل تحضر دروس ولا تنزل تصاحب صاحبة صالحة إلا لما مشكلتها مع جوزها تتحل، لما مشاكلها الاجتماعية تتحل، الأخ اللي ماينفعش إلا لما الامتحانات تعدي والمشاكل تعدي ويستقر عشان يبدأ يشوف دينه فمابيشوفش دينه إلا لما دينته تستقر، والدنيا عمرها ما تستقر، **"فَإِنْ أَصَابَهُ خَيْرٌ"** دينته استقرت **"اطْمَأَنَّ"**، بس بإيه بالدنيا مش بالله.

"وَإِنْ أَصَابَتْهُ فِتْنَةٌ" أي مشكلة حصلت له في دينه، انقلب انقلاب، بتلاقي الملتزم انتكس فجأة، الملتزمة انتكست، الانقلاب ده حصل ازاى؟، هو منتكس من زمان، بس محدش واخذ باله، انقلب على وجهه، طيب ليه مش انقلب على ظهره، لأنه أصلاً وجهته كانت الدنيا فلما الدنيا حصل فيها مشكلة قام مقلوب على الدنيا، لأن عارفين اللي داخل باب الشقة بظهره، فلما يحصل مشكلة في الدنيا يسيبها يقوم مدلوق على وشه ناحية باب الشقة، بالضبط انقلب لأن وجهته الدنيا خسر الدنيا والآخرة.

إنت الخسران، إنت الخسرانة، المذهل إن أول كلمة في الآية يعبد الله وآخر كلمة في الآية خسر الدنيا والآخرة، البداية مبهرة والنهاية مؤلمة، والكلمة الي خلت المشهد الاولاني في فيلم حياة هذا الأخ جميل والمشهد الأخير

مرعب الكلمة المحورية **"عَلَى حَرْفٍ"**، إنها عزلت نفسها عن أخواتها، إنه عزل نفسه عن إخوانه وعن بيئة الإيمان، يا أيها الملتزمين والملتزمات الدين مش أورد عبادة.. الدين حياة في بيئة إيمان وسط اخوانكم ومشايخكم، ويا أيها الدعاة إلى الله، يا إخواني بالدعوة إلى الله الدين مش درس.. الدين بيئة إيمان، لازم الدعاة يحطوا إديهم في أيديهم بعض لحد ما يبنوها وإلا..

المصيبة اللي بتخلي الواحد قلبه يبكي دم يا جماعة نشكل على فين، كل ما نعمل معسكر شبابي أو عمرة أو اعتكاف، يبقى فيه كمية شباب، أو رمضان، نشكل على فين، نقول الناس يروحوا على فين، مش لازم يكون فيه مسجد بيئي إيمان تروح عليه؟ القضية كبيرة جدا **"ذَلِكَ هُوَ الْخُسْرَانُ الْمُمِينُ"**

إنت الخسران، طيب لما بعد بقي، **"يَدْعُو مِنْ دُونِ اللَّهِ مَا لَا يَضُرُّهُ وَمَا لَا يَنْفَعُهُ"** مش ما لا يضره ولا ينفعه، **"مَا لَا يَضُرُّهُ وَمَا لَا يَنْفَعُهُ"** كأن كان واقف على باب واحد، الله لما ساب باب ربنا وانتكس، وقف على ألف باب، ما لا وما لا، كلام كبير جدًا **"ذَلِكَ هُوَ الضَّلَالُ البَعِيدُ"** يدعو إلى من ضره أكثر من نفعه " يعني آية ١٢ **"يَدْعُو مِنْ دُونِ اللَّهِ"** آية ١٣ يدعو إلى من ضره، يدعو.. يدعو، يدعو دي مضارع يفيد الاستمرار، كأن المعنى إيه؟

فيش إنسان بيستغنى عن الدعاء، مفيش إنسان يستغني عن إن فيه حد قوي يطلب منه احتياجات حياته، لأن الإنسان ضعيف، وفقير وجاهل، فلما ساب الوقوف على باب الله اتدل على باب البشر، ومابطلش طلب، لكن بقي يطلب من البشر، طيب والبشر بيدلوه بعد ما كان يطلب من الله بكل عزة وكرامة..

"لَيْسَ الْمَوْلَى وَلَيْسَ الْعَشِيرُ" طبعاً كلمة **"لَيْسَ الْمَوْلَى وَلَيْسَ الْعَشِيرُ"** بتعدي علينا كذا ونقلب عليها للآية اللي بعدها في حين يا جماعة إن لو فهمنا معنى هذه الكلمة كما قال المفسرون في التفاسير يعني بالذات تفاسير التحليل اللغوي، زي التحليل والتنوير **"لَيْسَ الْمَوْلَى وَلَيْسَ الْعَشِيرُ"** قال لك الكلمة دي اللي يقولها الضال المنتكس ده اللي بيعبد الله على حرف، قال لك يقولها يوم القيامة، لما يبجي يوم القيامة **"يَدْعُو لِمَنْ ضَرُّهُ أَقْرَبُ مِنْ نَفْعِهِ"** بيلاقي اللي كان بيدعوهم وواقف على بابهم دول يوم القيامة يتبرؤوا منه أصلاً ويبقى عليه لعنة والعياذ بالله، ويقف كذا وهو مذهول ويتأخذ على جهنم كذا ويبص للي كان بيدعوهم من دون الله **"لَيْسَ الْمَوْلَى وَلَيْسَ الْعَشِيرُ"**..

وبيسخر يوم القيامة وهو قاعد يقول **"لَيْسَ الْمَوْلَى وَلَيْسَ الْعَشِيرُ"** وديتوني في مصيبة، ضيعتوني، توهتوني منكم لله، بس بعد إيه؟ بعد ما ضاع كل شيء، فدي آيات الآخرة في القرآن آيات عميقة جدًا، ولكن لو ركزنا فيها، لو بدأنا نفهمها، لو بدأنا نفكر في المعنى بتاع مثلاً **"يَوْمَ يَنْظُرُ الْمَرْءُ مَا قَدَّمَتْ يَدَاهُ وَيَقُولُ الْكَافِرُ يَا لَيْتَنِي كُنْتُ تُرَابًا"**

النبا: ٤٠

يعني إيه **"يَا لَيْتَنِي كُنْتُ تُرَابًا"**، قال لك لما يبجي البهائم ويبجي الحمير ربنا يقول لها كوني ترابًا، فيبجي اللي جيدخل جهنم ويقول ياريتته والعياذ بالله كان تراب، والعياذ بالله ياريتته كان بهيمة من البهائم في الدنيا عشان النهارده

يبقى ترابا، والعباد بالله " **لَيْسَ الْمَوْلَىٰ وَلَيْسَ الْعَشِيرُ** "

رابعًا: المؤمنون

نيجي بقى للنموذج الرابع، نيجي بقى للنوعية الرابعة العظيمة اللي هي نوعية المؤمنين بقى " **الَّذِينَ آمَنُوا وَعَمِلُوا الصَّالِحَاتِ** " نوعية وسط الواقع ده، وسط الواقع اللي كله جدال ده، كله برامج توك شوك، وكله وسائل حرب على الدين، والمجتمع كله مستغز نفسيًا ضد التيار الإسلامي، ويبجادلوا في كل مكان والإعلام كله موجّه لتحطيم رموز التيار الإسلامي والإخوة.

فيه إخوة وأخوات بعبدوا ربنا على حرف، خايفين إنهم يشيلوا قضية الدين، ويشيلوا قضية الدعوة. ومن الإخوة والأخوات من ينزلون الجولات على حرف، ومن الإخوة والأخوات من يجهرن بكلمة الحق في وجه الظالمين على حرف، ومن الإخوة والأخوات من يلتزمون على حرف، ويطلبون العلم على حرف، ويعملون في الدعوة إلى الله على حرف، مايبشوش، واقع مهزوز، واقع حتى الملتزمين اللي فيه كثير منهم مهزوزين ماهوماش مطبقين الالتزام بالمعنى السليم له والمعنى الحقيقي له.

تعالوا أما نشوف بقى النموذج المضىء، تعالوا أما نشوف النوع الرابع اللي احنا عايزين نبقى منه ونشوف ربنا كلمه إزاي، ونشوف ربنا نور له طريق ازاي.

" **إِنَّ اللَّهَ يَدْخُلُ الَّذِينَ آمَنُوا وَعَمِلُوا الصَّالِحَاتِ جَنَّاتٍ تَجْرِي مِنْ تَحْتِهَا الْأَنْهَارُ، إِنَّ اللَّهَ يَفْعَلُ مَا يُرِيدُ** "

آمَنُوا وَعَمِلُوا الصَّالِحَاتِ، إيه الصالحات اللي عملوها من الآيات اللي فاتت؟

اجتهدوا في الدعوة إلى الله، واجتهدوا في تربية أنفسهم، وانضموا لبيئة الإيمان، وعاشوا وسط إخوانهم، وعاشوا وسط أحبابهم، ربنا بيعمل إيه بقى للنموذج الثابت ده؟ الراسخ ده؟ اللي مش حيعمل كده يا جماعة هيضع.. " **جَنَّاتٍ تَجْرِي مِنْ تَحْتِهَا الْأَنْهَارُ** " هو ليه دائمًا ربنا يجيب مع الجنات الأنهار؟ هو ينفع أتكلم على الساحل الشمالي من غير ما أتكلم عن الساحل نفسه، هو ينفع أتكلم عن شرم الشيخ من غير ما أتكلم عن البحر نفسه، هو إيه قيمة أي منتج سياحي من غير البحر اللي فيه؟!

يبقى يا جماعة واضح إن الأنهار بتاعة الجنة دي من أخطر ملامح الجمال في الجنة، يعني قصور الدنيا يجري من تحتها مواسير الصرف الصحي، أما قصور الجنة يجري من تحتها الأنهار، مش عايز أقول لكم زي فينيسيا والمدينة العائمة، لا ده شيء أخطر بكثير جدًا " **جَنَّاتٍ تَجْرِي مِنْ تَحْتِهَا الْأَنْهَارُ، إِنَّ اللَّهَ يَفْعَلُ مَا يُرِيدُ** " يبقى النوع ده ربنا بيشتته..

فأول حاجة يشته بيها الجنة، بشره بالجنة، بعد كده " **من كان يظن أن لن ينصره الله بالدينا والآخرة** " النصر الملتزمين عايزين يا رب كلمني الأول عن النصر، يا رب أنا مش عاوز تكلمني الأول عن الجنة، أنا عاوز الأول النصر، قول لي إن احنا حننتصر، قول لي إن العلمانيين حينكسروا، قول لي إن أهل الباطل حيقعوا يا رب.

يا رب أنا قلبي مليون هم دين، لدرجة إني أول موضوع نفسي أسمعه هو النصر.

ليه ربنا تكلم الأول عن الجنة قبل النصر؟

لإن معظم الملتزمين بجيلهم إحباط ويسيئوا الطريق لما أهل الباطل يتغلبوا على أهل الإيمان لفترة، فعشان كده من أصول الوصول إلى الله لا بد أن يكون هم الآخرة في قلبك أعظم من هم التمكين. ليه؟ عشان افرض ربنا مش هيمكّن في عصرك وفي زمنك، تظل تعبد الله برضه عشان الآخرة، عشان كده شفت إخوة كثير بيسيئوا الالتزام خالص والعياذ بالله لما بيبأسوا من إن الدين يقوم على أيديهم. ليه؟ لأن كان كل قضيته مع الدين هم التمكين. عشان كدا هم الآخرة يجب أن يكون أقوى من هم التمكين، عشان نعبد ربنا حتى لو لم ينتصر الدين على أيدينا. **مَنْ كَانَ يَظُنُّ أَنْ لَنْ يَنْصُرَهُ اللَّهُ فِي الدُّنْيَا وَالْآخِرَةِ، رَبَّنَا يَقُولُ هَانُصْرُكُم دُنْيَا وَآخِرَةَ.**

"فَلْيَمْدُدْ بِسَبَبٍ إِلَى السَّمَاءِ ثُمَّ لِيَقْطَعْ فَلْيَنْظُرْ هَلْ يُذْهِبَنَّ كَيْدُهُ مَا يَغِيظُ"

الآية دي لها معنيين:

المعنيين أخطر من بعض، معنى بيكلم الكفار، ومعنى بيكلم الملتزمين.

المعنى اللي بيكلم الملتزمين:

الأول عشان نخرج منه بأصل خطير، ربنا بيقول للملتزمين، اللي منكم فاكروا إني مش هأنصره، اللي منكم يئس من النصر وعائز يستعجل على النصر يمدد بسبب، يطلع جبل إلى السماء، إلى السماء ثم يقطع ليقطع يشنق نفسه، اطلع فوق للسماء واشنق نفسك بحبل **" فَلْيَنْظُرْ هَلْ يُذْهِبَنَّ كَيْدُهُ مَا يَغِيظُ "**، الغيظ اللي في قلبك على الباطل راح كدا خلاص؟، الدين انتصر كدا خلاص؟، الأسلوب شديد؟ آه شديد..

لأن الاستعجال محطم الدعاة والدعوات، أكثر حاجة تحطم الداعية والدعوة هي الاستعجال، فربنا هنا لم يتهاون مع المستعجل بيقول له اطلع للسماء واشنق نفسك وشوف الغيظ بتاعك راح والآ لأ، أنا بانصر الدين بسنن، ولن أغير السنن لأجل أحد، والسنن لا تحابي أحد، يبقى من أصول الوصول إلى الله عدم الاستعجال، فالاستعجال محطم الدعاة والدعوات.

المعنى اللي بيكلم الكفار:

طيب القول الثاني بقي لو الآية بتكلم الكفار، من كان يظن أن لن ينصره، أي أن لن ينصر الله محمد عليه الصلاة والسلام ولن ينصر الله الإسلام، من اللي منكم يا كفار عايز ربنا ما ينصرش محمد في الدنيا والآخرة فليمدد بسبب إلى السماء، يطلع فوق يجيب السلم يطلع به في السما ثم ليقطع .. قال لك ليقطع إيه؟

قال لك ليقطع نزول الوحي عن المؤمنين، اقطع القراء عنهم تنتصر عليهم، يعني ربنا بيقول لهم الحل الوحيد عشان تنتصروا على محمد وعلى الصحابة انكم تقطعوا القراء عنهم، يعني إيه؟

يعني ربنا بيقول لنا سبب نصركم هو القراء، سبب فتحكم هو القراء، عشان كدا **" لَا تَسْمَعُوا لِهَذَا الْقُرْآنِ وَالْغَوَا**

فِيهِ لَعَلَّكُمْ تَغْلِبُونَ" فصلت: ٢٦

فهموا إن ارتباط الملتزمين والملتزمات بالقرءان هو اللي هيطلع أبطال عمالقة جبابرة، فقالوا يبقى أهم حاجة نصرْفهم عن القرءان، نصرْفهم عن القرءان، الجيل ده مايترباش على القرءان فرينا بيقول لهم الحل الوحيد عشان تنتصروا عليهم ابعدهم عن القرءان، امنعوا عنهم عن القرءان.

يبقى يا جماعة من أصول الوصول الى الله لا نصر ولا فتح ولا مدد ولا نور ولا بركة ولا هدى بدون القرءان، فلا بد من قصر مرجعية التلقي على كتاب الله، لازم نتربى على القرءان، تربية عظيمة هو ده اللي هيخرج رجاله يا جماعة. عشان كده ليه الواحد بيقدم سلسله في التفسير مش مثلاً سلسله شبابيه، عشان بدل ما نقعد ندخل شباب جداد ويخرجوا من الناحية الثانية من القطر، في النهاية تعالوا نشوف الملتزمين والملتزمات نربيهم بالقرءان نرتبط بالقرءان " **ثُمَّ لِيَقْطَعْ** " يقطع القرءان " **فَلْيَنْظُرْ هَلْ يُدْهَبْنَ كَيْدُهُ مَا يَعِظُ** " يبقى لو عرفت تقطع القرءان الغيظ اللي في قلبك على الحق هينتهي؟، كلام خطير قوي، شوفوا الآية دي الواحدة خرجنا منها بأصل إن القرءان سر النصر، وخرجنا منها بأصل إن الاستعجال يؤدي إلى الدمار وإلى الانهيار، يعني كلام كبير قوي.

" **وَكَذَلِكَ أَنْزَلْنَاهُ آيَاتٍ بَيِّنَاتٍ** " أي كما كان القرءان سبب للنصر في آية ١٥ فهو سبب للهدى في آية ١٦ " **وَكَذَلِكَ أَنْزَلْنَاهُ آيَاتٍ بَيِّنَاتٍ** " يبقى القرءان كمان مصدر الهداية " **وَأَنَّ اللَّهَ يَهْدِي مَنْ يُرِيدُ** " اوعى تفتكروا إن القرءان مصدر الهدى إن اللي عايز يهدى هيقراً القرءان يهدى لا، لا يهدى إلا من أراد الله. أيها المعرض عنا إن إعراضك منا لو أردناك جعلنا كل ما فيك يردنا.

اوعى تفتكر إنك مابتقومش الليل لأنك مش عايز، ده ربنا اللي مش رايدك، اوعى تفتكري إنك مابتقديش جلسة الضحى لأنك مش عايزة، ربنا اللي مااختاركيش فيها " **وَكَذَلِكَ أَنْزَلْنَاهُ آيَاتٍ بَيِّنَاتٍ** " بس لن ينتفع بها إلا من أراد الله به أن ينتفع بها " **وَأَنَّ اللَّهَ يَهْدِي مَنْ يُرِيدُ** " يبقى ثلاث آيات ١٤، ١٥، ١٦ آية اتكلمت عن الجنة بشرى بالجنة، وبعد كده آية بشرى بالنصر، وبعد كده آية بشرى بالهداية، بشريات ورا بعضها، بشريات ورا بعضها، يبقى كأن ربنا بيثبت المؤمنين، اثبتوا هتاخذوا الجنة، اثبتوا هانصركم، اثبتوا هاهديكم، هاثبتكم وهاسدكم.

بعد كذا آية ١٧، ١٨ بينهم ترابط اعجازي يا جماعة، ساعات أبص للآيتين دول جنب بعض وأقول يا رب هو كل كلامك كده يا رب، كل كلامك مترابط مع بعض معجز، جميل بالمنظر ده، يا رب احنا جهلة في القرءان قوي. آية ١٧ " **إِنَّ الَّذِينَ آمَنُوا** " جميل، دول ناس حلوة " **وَالَّذِينَ هَادُوا** " أعوذ بالله " **وَالصَّابِرِينَ** " استغفر الله العظيم وأتوب إليه " **وَالنَّصَارَى** " عباد الصليب استغفر الله العظيم وأتوب إليه " **وَالْمَجُوسَ** " أعوذ بالله عباد النار " **وَالَّذِينَ أَشْرَكُوا** " عباد هبل ومناة، استغفر الله العظيم.

ممكن الواحد يقعد يفكر كده هو دول المؤمنين وكل السبع مليار الباقين يا إما عبدة أوثان يا إما نصارى يا إما يهود يا إما ملحدين، يا إما وثنيين يا عبدة بقر إيه ده، الحق قليل قوي قوي يا رب، الدين قليل قوي قوي على الأرض يا رب، فيجيله إحباط، إمتى هنعير كل ده وإمتى هنصلح كل ده مفيش فائدة، فرينا في نفس الآية قال له " **إِنَّ اللَّهَ**

يَفْصِلُ بَيْنَهُمْ يَوْمَ الْقِيَامَةِ اوعى تفكر إن ربنا غافل عن أي معصية بتعصى بها على الأرض، **إِنَّ اللَّهَ عَلَى كُلِّ شَيْءٍ شَهِيدٌ** ربنا يعلم، اوعى تفكر إن فيه عاصي هيعدي بمعصيته، برضه لسه جوه قلبي ألم، يا رب ليه الحق قليل قوي كده، ليه الحق صغير قوي كده، شوف الآية اللي بعدها..

"أَلَمْ تَرَ أَنَّ اللَّهَ يَسْجُدُ لَهُ مَنْ فِي السَّمَاوَاتِ" الله أكبر **"مَنْ فِي السَّمَاوَاتِ"** اللي في السماوات مليارات المليارات المليارات من الملائكة اللي بتعبد الله ليل نهار **"وَمَنْ فِي الْأَرْضِ"** دا عدد الملائكة على وجه الأرض أضعاف أضعاف عدد البشر على وجه الأرض، **"وَالشَّمْسُ وَالْقَمَرُ وَالنُّجُومُ"** النجوم مليارات مليارات الممليرة من الآيات اللي بتزلزل القلب.. قَوْلُ اللَّهِ سبحانه وتعالى: **"فَلَا أُقْسِمُ بِمَوَاقِعِ النُّجُومِ"** في قراءة **"فَلَا أُقْسِمُ بِمَوْعِ النُّجُومِ"** يعني إيه موقع النجوم؟ أي ذهاب النجوم للغروب، يعني إيه ذهاب النجوم للغروب؟ النجم حينما يريد أن يسجد. النبي قال: **"هل تدري أين تذهب الشمس إذا غابت؟ - لما راحت تغرب - فإنها تذهب حتى تأتي العرش"** صححه الألباني تذهب لتسجد تحت عرش الله فغروب النجوم هو ذهابها للسجود تحت عرش الله.

إياكم والإحباط

فرينا بيقول **"فَلَا أُقْسِمُ بِمَوَاقِعِ النُّجُومِ"** اللحظة التي تسجد فيها نجوم السماوات كلها لله في نفس واحد صلاة جماعة، سجود جماعة مشهد مذهل، هنا بقى والشمس والقمر والنجوم والجبال - ذرة تراب جوا جبل - والشجر - ورقة ورقة-، والدواب وكثير من الناس، يعني كان آية ١٧ يجيلك إحباط من كُتِر الباطل اللي حول الأرض، آية ١٨ تقولك هُمّا مين دول أصلاً؟ دول ميكونوش واحد في ميليار على مليار على مليار على مليار من الحق اللي في الحياة، الحق اللي في الكون، اوعى تُحبط. يبقى الأصل من أصول الوصول هذه الأيام:

إياكم والإحباط اوعوا تُحبطوا، اوعى يُصيبك الإحباط لما تلاقي الحق تأخر، أو الباطل كثير، **"وَكَثِيرٌ مِّنَ النَّاسِ وَكَثِيرٌ حَقَّ عَلَيْهِ الْعَذَابُ وَمَن يُهِنِ اللَّهُ فَمَا لَهُ مِن مُّكْرِمٍ"** كَانِ الْإِكْرَامُ هُوَ السُّجُودُ، ذَلِ نَفْسُكَ لِلَّهِ يَعْرُكَ، ابعِدْ عَنِ رَبِّنَا تَعِيشَ مَذْلُومًا، **"إِنَّ اللَّهَ يَفْعَلُ مَا يَشَاءُ"**

وتيجي هنا سجدة.. نقطة مهمة يا جماعة إن أقول لكم إن آية ١٨ وآية ٧٧ سجدتين، سورة الحج هي السورة الوحيدة في القرآن كله اللي فيها سجدتين، فاصطفى الله سورة الحج على سائر القرآن بسجدتين، طيب ده فيه أصل من أصول الوصول إلى الله؟ -طبعا- إيه الأصل من أصول الوصول إلى الله هنا؟ زي ما قال ربنا للنبي: **"وَأَسْجُدْ وَاقْتَرِبْ"** كل ما تسجد أكثر كل ما تقرب أكثر، وسورة الحج سورة اللي عايزين يقربوا من ربنا، فكأن من أصول الوصول إلى الله: قوة العبادة وكثرة السجود، وكثرة العبادة والجهد في العبادة فهذه من أصول الوصول إلى الله.

ملخص الحلقة:

وندخل بقى إن شاء الله على التلخيص النهائي للحلقة وأصول الوصول المستنبطة من الحلقة الثانية بإذن الله سبحانه وتعالى.. ركزوا معايا يا شباب ملخص الحلقة الثانية بإذن الله - سبحانه تعالى -:

قلنا إن الشوط الثاني في سورة الحج يتحدث عن أربع أنواع:

١- النوع الأول قلنا إن هو في آية ٣ " **وَمَنْ النَّاسِ مَنْ يُجَادِلُ فِي اللَّهِ بِغَيْرِ عِلْمٍ وَيَتَّبِعُ كُلَّ شَيْطَانٍ مَرِيدٍ** " يبقى ده التابع المُجدد، اللي تفرج برنامج توك شو وجاي بقى يجادلك بالشغل أو بالدراسة، والآية تَكَلَّمَت عن كيفية التعامل معه، ربنا كلمه عن الآيات الكونية في الأجنة والجن والنبات، ولازم نركز مع دول ولازم نفهمهم ولازم نصبر عليهم.

٢- النوع الثاني آية ٨ " **وَمَنْ النَّاسِ مَنْ يُجَادِلُ فِي اللَّهِ بِغَيْرِ عِلْمٍ وَلَا هُدًى وَلَا كِتَابٍ مُنِيرٍ * تَأَنَّى عِطْفِهِ لِيُضِلَّ عَن سَبِيلِ اللَّهِ** " يبقى ده المتبوع المجادل، ده اللي بيدي برنامج التوك شو، ده اللي بيألف الكتب العملية، ده الرأس المتبوع، والآية اتكلمت عن طريقة التعامل معاه " **لَهُ فِي الدُّنْيَا خِزْيٌ وَنُذِيقُهُ يَوْمَ الْقِيَامَةِ عَذَابَ الْحَرِيقِ** " يبقى النوع ده يُهَدَّد ولا يُضَيِّع الوقت معه، ويفهم أن الله سينتقم منه في الدنيا والآخرة لأن تقرباً قلبه شبه مات.

٣- النوع الثالث " **وَمَنْ النَّاسِ مَنْ يَعْْبُدُ اللَّهَ عَلَى حَرْفٍ** " دول ملتزمين وملتزمات ولكن على حرف، يعني واقفين بعيد عن بيئة الإيمان، عازلين نفسهم عن بيئة الإيمان، وقلنا إن الآيات رعبت هذا النموذج وقالت لهم في النهاية " **خَسِرَ الدُّنْيَا وَالْآخِرَةَ** " هتخسروا كل حاجة أنتم خسرايين لو مدخلتوش بيئة الإيمان وعشتوا وسط إخوانكم..
وقلنا إن بيئة الإيمان لازم يكون في كل بلد فيه مسجد يكون المسجد فيه حياة مش بس دروس، يكون فيه دروس وتجويد وتحفيظ ورحلات ومعسكرات ويخرج منه جولات وفي دعاة عايشين وسط الإخوة ويسمعوا مشاكل الإخوة والأخوات فيه ويعملوا نشاط للأطفال ونشاط للنساء، أي شاب يلتزم في هذه البلد أو فتاة يروح على هذا المسجد.

٤- النوع الرابع الآية ١٤ " **إِنَّ اللَّهَ يُدْخِلُ الَّذِينَ آمَنُوا وَعَمِلُوا الصَّالِحَاتِ جَنَّاتٍ** " وقلنا دول النموذج المشرق في هذا الوضع الصعب، وربنا بشرهم بالجنة ثم بالنصر، ثم بالهداية.

أصول الوصول إلى الله من الشوط الثاني:**الأصل الأول: لا بد من التركيز**

قلنا لما أهل الباطل " **وَمَنْ النَّاسِ مَنْ يُجَادِلُ** " وبعدها ربنا قال " **يَا أَيُّهَا النَّاسُ إِنَّ كُنْتُمْ فِي رَيْبٍ مِمَّنْ بَعَثَ** " يعني أوعوا المجادلين يصرفوكم عن الدعوة إلى الله، ركزوا في الدعوة إلى الله ولا تلتفتوا للجدال.

الأصل الثاني: لن يكسر الباطل إلا القوة بالدعوة

مهما كان الواقع صعبًا لن يكسر الباطل، لابد أن يكون أهل الحق في نُصرة الدين أقوى من أهل الباطل في هدم الدين، وخذنا ده من آية " **وَيَتَّبِعُ كُلَّ شَيْطَانٍ مَرِيدٍ** " بعدها " **يَا أَيُّهَا النَّاسُ إِنَّ كُنْتُمْ فِي رَيْبٍ مِّنَ الْبَعْثِ** " يعني أهل الباطل شياطين مُردة ومع ذلك نحن لن نُكفَّ عن الدعوة.

الأصل الثالث: احذر من شياطين الإنس.. حذرك من شياطين الجن

فهناك قُطَاع طرق من الإنس كما أنه هناك قُطَاع طرق من الجن، لا تُسلموا دينكم لأي أحد، لا تسمعوا لأي أحد يكلمكم في الإصلاح، إلا لأهل الدين الذين يتكلمون بالقرآن والسنة، وإلا كُتب عليها " **أَنَّهُ مَن تَوَلَّاهُ فَإِنَّهُ يَضِلُّهُ** ".

الأصل الرابع: التدبر

التدبر هو أعظم الطرق للوصول إلى اليقين، عشان كده بالمعنى إن ربنا تكلم عن التدبر في الأجنة قال " **ذَلِكَ بِأَنَّ اللَّهَ هُوَ الْحَقُّ وَأَنَّهُ يُحْيِي الْمَوْتَى وَأَنَّهُ عَلَىٰ كُلِّ شَيْءٍ قَدِيرٌ** * **وَأَنَّ السَّاعَةَ آتِيَةٌ لَا رَيْبَ فِيهَا وَأَنَّ اللَّهَ يَبْعَثُ مَنْ فِي الْقُبُورِ** " يبقى خمسة "أن" ، خمسة يقينات مُسلمة جات بعد التدبر، التدبر يزرع اليقين في القلب.

الأصل الخامس: لا بد من قبول سنة الترقى التدريجي

ونحن نُصلح قلوبنا، ونحن نَبني دعوتنا، ونحن نُربي، لازم نقبل التدرج، لازم نقبل إن معصية السر في حياتك مش حتروح مرة واحدة، إن وصول قلبك للمقامات الإيمانية مش هيبجي مرة واحدة، إن تغيير الواقع وعودة الشباب للدين مش هيبجي من يوم وليلة، لازم نقبل سنة التدرج حتى لا يصيبنا الإحباط بسبب الاستعجال.

الأصل السادس: اغتم شبابك.. اغتم صحتك.. اغتم قدرتك على الجهد

العمر قصير يا جماعة عشان كده ربنا قال " **ثُمَّ لِيَتَّبِعُوا أَشُدَّكُمْ** " دي فترة قصيرة، بعدها يا إما تُردِّ لأرذل العمر، يا إما هتتوفى، هتموت، الحقوا شبابكم، اعبدوا ربنا فيه، العمر قصير.

الأصل السابع: لن نصل إلى الله إن لم نتكلم عن الله

مش ممكن نوصل لربنا إلا لو تكلمنا عن ربنا، لا بد أن يكون الخطاب الدعوي حسب نوعية المُخاطب، لا بد من فن الدعوة، لا بد من أن ندخل قلوب الناس من مداخل القلوب الأربعة..
" اللي هي بتتكلم عن معرفة الله، اللي بتتكلم عن الدار الآخرة، اللي بتتكلم عن الأثر الدنيوي للطاعة والمعصية، إننا نتكلم عن هم الدين وأحوال الأمة" ..

أربع مداخل للقلوب، زي ما ربنا خاطب ودعا التابع المجادل والمتبوع المجادل بمداخل القلوب يجب أن نتبع هذه الطريقة، لا بل من فن الدعوة ماينفعش الدعوة تبقى هلكانة، ماينفعش نقول أي كلام لأي حد، لازم الدعوة تكون فنية.

الأصل الثامن: بيئة الإيمان وإلا الهلاك

الدين حياة، الدين مش دروس، يا أيها الدعاة، الدين حياة.. الدين مش عبادات فردية، يا أيها الملتزمين، كثير من الدعاة يظن الدين دروس وكثير من الملتزمين يظن الدين عبادات فردية، الدين ضاع بسبب هذه النظرة، الدين حياة وبيئة إيمان، بيئة إيمان وإلا خسر الدنيا والآخرة.

الأصل التاسع: لا بد أن يكون همُّ الآخرة في قلبك أعظم من همِّ التمكين

زي ما قلنا لما ربنا تكلم عن الجنة في آية ١٤ قبل الكلام عن النصر في آية ١٥ لأنك لو تعلق قلبك بإن الدين بقي بالتمكين.. لو أهل الباطل تغلبوا هتُحبط وتنتكس.

الأصل العاشر: لا نصر ولا مدد ولا فتح إلا بالقرآن

ولا وصول لشيء ولا علاج للقلوب ولا تزكية للنفوس ولا وصل للصف بدون القرآن، وبدون ما الإخوة والأخوات يتربوا على القرآن..

عشان كده قلنا في آية ١٥ "ثُمَّ لِيَقْطَعْ" يعني يا أهل الباطل لو عايزين تهزموا أهل الحق اقطعوا القرآن عنهم ولن تنتصروا عليهم مادام القرآن بأيديهم.

الأصل الحادي عشر: إياكم والاستعجال

زي ما ربنا بآية ١٥ كَلِّمِ الْمُتَزِمِينَ الْمُسْتَعْجِلِينَ قال لهم: "فَلْيَمْدُدْ بِسَبَبِ إِلَى السَّمَاءِ" اشنقوا أنفسكم، لن أنصر الدين إلا بالسنن، اشنقوا أنفسكم طول ما أنتم مابتزلوش دعوة، طول ما أنتم ما تتربوش، طول ما الصف ما بيتوحدش بكلمة الحق بوجه الظالمين، لن تنتصروا إلا بالسنن.. والاستعجال لن يؤدي إلى شيء، الاستعجال هو قاتل الدعوة والدعوات.

الأصل الثاني عشر: الاستبشار

عشان كده ربنا بَشَّرَ الْمُؤْمِنِينَ بِالْجَنَّةِ وبشرهم بالنصر، وبشرهم بالهدى، لا بد أن نؤمن أن هذا الطريق مليان بالفتوحات ومليان بالعطاءات.

ثم سورة الحج مُيزت بسجدتين، زي ما قلنا آية ١٨ وآية ٧٧ مُيزت بسجدتين، فمن أصول الوصول إلى الله لا بد من "وَأَسْجُدْ وَاقْتَرِبْ" لا بد من كثرة العبادة والاجتهاد بالعبادة.

الأصل الثالث عشر: إياكم والإحباط

عشان كده بعد ما ربنا بآية ١٧ تكلم عن كثرة الباطل في الأرض إتكلم في آية ١٨ عن كثرة الحق في الكون يبقى إياكم والإحباط فهو مدمر كل شيء.

الأصل الرابع عشر: لا بد من تقييم النفس باستمرار

اوعى تغفل عن تقييم نفسك باستمرار، اوعى تغفلي عن تقييم نفسك باستمرار، زي ما قلنا ليه الآيات ميزت أربع أنواع في المجتمع؟ ليه الآيات فصلت أربع أنواع في المجتمع؟ لأن لازم تقييمي نفسك، إنت بتعبدي الله على حرف؟ وآلا انت وآلا أنت مؤمنة صالحة وآلا أنت جواك شكوك وتجادلي وتابعة قلب الدعاة في الشكوك اللي جواك بسبب سماعك لأهل الباطل؟ لا بد من تقييم النفس باستمرار.

دي الأصول اللي اتكلمنا عنها يا جماعة، ما تنسوش إن المقصد من سورة الحج "الحياة في سبيل الله" الناس كلها نفسها الموت في سبيل الله، لا، الحياة في سبيل الله أعظم.. ماتنسوش إن إحنا قلنا عن إن سورة الأنبياء بتعرفك إيه هي قدوتك، وتيجي بعدها سورة الحج بتعرفك إيه خط سيرك وسكتك، وتيجي بعدها سورة المؤمنون بتعرفك إيه آخرتك. ربنا يبارك فيكم، وربنا يحفظكم..

إخواني وأحبابي في الله على هذا نختم حلقة الليلة بإذن الله - سبحانه وتعالى - الجزء الثاني من تفسير سورة الحج: أصول الوصول إلى الله من خلال تفسير سيرة الحج.

ماتنسوش إن احنا في مسابقة، ماتنسوش إن بينزل تفرغ الحلقة بإذن الله على الصفحة الرسمية دكتور حازم شومان. عايز أقول لكم إن بعد الحلقة مباشرة ولكن احنا أخذنا ميعاد الأربعاء ١٠ مساءً ينزل تفرغ الحلقة ده لو حصل تأخير أو أي شيء، لكن إن شاء الله بعد الحلقة مباشرة هتلاقوا تفرغ الحلقة وهتلاقوا نزول الحلقة نفسها وهتلاقوا كمام تلخيص إنفوجرافيك لو عايزين تشوفوه، إن شاء الله الجوايز الأولى هتبقى عمرات بإذن الله لمن أراد أن يدخل معنا.

ربنا يبارك فيكم، ربنا يثبتكم ذاكروا بقى واجتهدوا وهاتوا أي تفسير، تفسير السعدي أو الشيخ مصطفى العدوي، أو تفسير المختصر لابن كثير وربنا يثبتكم وبارك فيكم، وربنا يوصلنا إليه ونسأل الله وأصل المنقطعين أن يوصلنا إليه ونسأل الله أن يفقهنا في القرآن وأن يجعلنا من أهل القرآن إنه ولي ذلك والقادر عليه، سبحانه اللهم وبحمدك، أشهد أن لا إله إلا أنت أستغفرك وأتوب إليك

تم بحمد الله

شاهدوا الدرس للنشر على النت في قسم تفرغ الدروس في منتديات الطريق إلى الله وتفضلوا هنا:

<http://forums.way2allah.com/forumdisplay.php?f=36>